

Morning Dogri (NSD) National News Bulletin 10-05-2025

आकाशवाणी

- भारतीय सेना नै पाकिस्तान इह जम्मू कन्नै लगदी सेना चौकिएं ते आतंकवादीठकाने गी तबाह कीता हा, जित्थुआं ओ ड्रोन हमले करा'रदा हा। भारत नै श्रीनगर, जम्मू, फिरोजपुर, पठानकोट, जैसलमेर, बाडमेर ते भुज सनें 26 थाहरें पर पाकिस्तान दे ड्रोन हमले नाकाम कीते न।
- भारत दे उत्तरी ते पच्छमी इलाकें च 32 ब्हाई अड्डें गी 15 मई तगर सिविल डोआरिएं लेई बंद करी दित्ता ऐ।
- भारत नै आरोप लाया ऐ जे पाकिस्तान अंतराष्ट्रीय मुद्रा कोष थमां हासल धन राशि दा इस्तेमाल, बन्ने पार आतंकवाद चलाने आस्तै करा'रदा ऐ।
- पंजाब मंत्रिमंडल नै ड्रोन रोधी प्रणालिएं ते युद्ध ते आतंकवाद पीड़ितें दी सहायता आस्तै स्कीमें गी मंजूरी दित्ती ऐ।
- भारत ते न्यूजीलैंड च आपसी बपार च महत्वपूर्ण बाद्धा करदे होई मुक्त बपार समझौते पर पैहले गेड़ दी गल्लबात नमीं दिल्ली च सम्पन्न कीती।

<><><><><><>

Pak Drones

भारती सेना नै जम्मू दे नेड़े पाकिस्तानी चौकियें ते आतंकवादिएं दे लॉन्च पैड गी तबाह करी दित्ता ऐ। ऐकड़ी थाहरें थमां गै पाकिस्तान ट्यूब लॉन्ची ड्रोन छोड़ा करदा हा। एहदे अलावा, भारती सेना नै पाकिस्तान कन्नै लगदे अंतरराष्ट्री बन्ने ते कब्जा रेखा पर स्थित बारामूला थमां भुज तोहड़ी 26 थाहरें पर ड्रोन हमलें गी नाकाम करी दित्ता ऐ। इंदे च ओह ड्रोन बी शामिल न जेड़े, रिहायशी ते फौजी ठिकानें लेई खतरा बनी सकदे हे। रक्षा सूत्रें मूजब, ऐकड़ी थाहरें च बारामूला, श्रीनगर, अवंतीपुरा, नगरोटा, जम्मू, फिरोजपुर, पठानकोट, फाजिल्का, लालगढ़ जट्टा, जैसलमेर, बाडमेर, भुज, कुआरबेट ते लखी नाला शामिल न। थेहारें कन्नै लैस ड्रोन दे राहें फिरोजपुर, अमृतसर ते पठानकोट सने पंजाब दे बन्ने आहले जिलें च हमला करने दी कोशश कीती गई ऐ, पर भारती सुरक्षाबलें पूरी कामयाबी कन्नै इनें हमलें गी नाकाम करी दित्ता।

हालांकि फिरोजपुर च झोन राहें इक मकान गी नुकसान पुज्जा ऐ ते त्रै लोक घाऽल होए दे न। उ'नेंगी अस्पताल च भर्ती करोआई दित्ता गेआ ऐ ते उ'दे सुरक्षित होने दी ख़बर ऐ। फिरोजपुर पुलस दे प्रमुख भूपेन्द्र सिंह सिद्धु होरें दस्सेआ ऐ सेना नै मते सारे झोन हमलें गी नकाम करी दित्ता ऐ। तोआई भारती सेना दा मजूदा हालात बारै अज्ज दिल्ली च मीडिया गी जानकारी देने दा कार्यक्रम ऐ।

<><><><><><>

32 Airports

भारती विमान पत्ततन प्राधिकरण नै 15 मई तोहड़ी देशै दे उत्तरी ते पच्छमी इलाकें च 32 ब्हाई अड्डे थमां डुआरियां आरजी तौर पर बंद करने दी घोषणा कीती ऐ। इ'नें ब्हाई अड्डे च अमृतसर, चंडीगढ़, जम्मू, श्रीनगर, भुज, जामनगर, जैसलमेर, पठानकोट ते होर दुए शामिल न। एह्दे अलावा, दिल्ली ते मुंबई उड़ान सूचना क्षेत्रें दे अंदर एयर ट्रैफ़िक सेवा (एटीएस) मार्गे दे 25 हिस्से बी इस अवधि दे दरान बंद रौहडन। एयरलाइनें गी रूकावट घट्ट करने लेई वैकल्पिक रस्ते दी योजना बनाने दी सलाह दित्ती गई ऐ। अस्थायी बंद, परिचालन सरबंधी वजहें करी ऐ ते सुरक्षा जकीनी बनाने लेई सरबंधत अधिकारियें कन्नै तालमेल बनाइयै एह्दा प्रबंधन कीता जाह्ग।

<><><><><><>

Rail Operation

रेल मंत्री अश्विनी वैष्णव होरें भारत पाकिस्तान तनाह् गी दिक्खदे होई रेल सरबंधी तैआरिएं दा जायजा लैता। उनें रेल अधिकारिएं गी आखेआ जे ओ बक्ख-बक्ख सरकारी अजेंसिएं कन्नै तालमेल बनान ते सीमांत इलाकें दे लोकें दी मदद आस्तै रेलगड्डियां चलान। उनें दस्सेआ जे आम रेलगड्डिएं दे अलावा विशेष रेल गड्डी सेवाएं गी चलाया जा।

<><><><><><>

Delhi Airport

दिल्ली दे इंदिरा गांधी अंतर्राष्ट्रीय ब्हाई अड्डे पर सामान्य डुआरियां फही शुरू होई गईयां न। तोआई, पाकिस्तान कन्नै फौजी तनोतनी दे चलदे सुरक्षा उपाऽ बधाने दे कारण यात्रियें गी सलाह जारी कीती गई ऐ।

ब्लॉक अड्डा प्रशासन नै सोशल मीडिया प्लेटफॉर्म पर डुआरियां सामान्य होने दे बावजूद, डुआरिएं सरबन्धी कार्यक्रम प्रभावत होने दी शैंका ते ब्लॉक खेत्तर दे बदलदे हालात करी सुरक्षा प्रक्रिया च मता समें लग्गने दी घोषणा कीती ऐ। यात्रियें गी अपनी एयरलाइन्स दे कन्नै ताजा जानकारी हासल करने, सुरक्षा जांच च संभावित चिर लेई तौले पुज्जने ते सुरक्षा कर्मचारियें कन्नै सैहयोग करने दी सलाह दित्ती गई ऐ।

<><><><><><>

Fact Check

पाकिस्तान दे खिलाफ हर मोर्चे पर भारत आसेआ दित्ते जा'रदे मुंहतोड़ जवाब थमां घाब्रियै आतंकवाद दा गढ़ पाकिस्तान हून डिजिटल खेत्तर च गलत सूचनां फैलाने च जुटी गेआ ऐ। पाकिस्तान सोशल मीडिया प्लेटफॉर्म पर फर्जी वीडियो ते गलत फोटूएं कन्नै मीडिया गी गुमराह करने, वैश्विक सतह उप्पर गलत नजरिया पेश करने ते लोकें दी धारणा बदलने दी बड़ी मती कोशश करै करदा ऐ। इस महत्वपूर्ण समें च हर इक्क जानकारी दी बड़ी सावधानी कन्नै जांच करना महत्वपूर्ण ऐ। कोई बी संदिग्ध समग्री बशेश रूप कन्नै भारती थेहारबंद बलें कन्नै सरबन्धत जां मजूदा हालात कन्नै सरबन्धत कोई बी जानकारी दी सूचना पीआईबी फ़ैक्ट चेक गी देनी लोड़चदी ऐ। ऐसी सामग्री व्हाट्सएप नंबर 8799711259 ते ईमेल आईडी – सोशल मीडिया ऐट पीआईबी डॉट जीओवी डॉट आईएन पर बी भेजी जाई सकदी ऐ।

<><><><><><>

IMF

भारत नै अंतर्राष्ट्रीय मुद्रा कोष—आईएमएफ बोर्ड दी बैठका दे दरान मतदान च हिस्सा नेई लैता। बैठक च पाकिस्तान लेई नमें माली पैकेज पर बचार कीता गेआ। भारत नै पाकिस्तान दे पिछले रौं5 गी दिक्खदे होई आईएमएफ दे कार्यक्रमें दी प्रभावशीलता पर चैंता बुज्जी। भारत नै पाकिस्तान आसेआ बन्ने पारा थमां आतंकवादी गतिविधियां चलाने लेई दोआर आहली रकम दे माड़े इस्तेमाल दी शैंका पर बी चैंता जाहर कीती। आईएमएफ नै कल पाकिस्तान लेई इक अरब डॉलर दे विस्तारित दोआर कार्यक्रम दी समीक्षा कीती ते पाकिस्तान लेई इक अरब 30 करोड़ डॉलरें दे नमें दोआर कार्यक्रम पर बी बचार कीता। भारत नै बैठक दरान आखेआ जे बन्ने पारा थमां आतंकवादी गतिविधियें गी प्रोत्साहित करना दुनिया गी इक गंभीर संदेस दि'दा ऐ। पाकिस्तान आईएमएफ दा लम्मे चिरै थमां कर्जदार रेया ऐ।

भारत नै आखेआ जेगर पिछले दोआर कार्यक्रमें कन्नै पाकिस्तान च इक मजबूत अर्थबवस्था दा निर्माण हुं'दा तां पाकिस्तान इक्क होर बेल-आउट कार्यक्रम लेई आईएमएफ गी गुजारिश नेई करदा। आईएमएफ नै भारत दे बयान ते मतदान थमां बक्ख रौहने गी बी ध्याना च रखेआ।

<><><><><><>

Punjab Cabinet

पंजाब मंत्रिमंडल नै झोन रोधी 9 प्रणालियां खरीदने दा फ़ैसला कीता ऐ। इ'नेंगी नशीली दवाइयें दे गैर-कनूनी बपार कन्नै सरबंधत आतंकवाद पर तक्क रखने लेई सीमा सुरक्षा बल दे कन्नै तालमेल करियै राज्य दे 6 बन्ने आहले जिलें च तैनात कीता जाहग। मंत्रिमंडल दी बैठक परैन्त मुखमंत्री भगवंत सिंह मान होरें मीडिया गी दस्सेआ जे राज्य सरकार नै आतंकवाद पीड़ितें ते जंग च जख्मीं नागरिकें गी अपनी 'फ़रिश्ते योजना' च शामिल करने दा फ़ैसला कीता ऐ। इस योजना दे तैहत सरकार आसेआ कुसै बी अस्पताल च मुफ्त इलाज मुहैया करोआया जं'दा ऐ। बैठक च इब्बी फ़ैसला लैता गेआ ऐ जे राज्य सरकार दे मंत्री बन्ने आहले इलाकें दा दौरा लाइयै इस गल्लै गी पक्का करडन जे ज़रूरी चीजें-बस्तें दी पर्याप्त आपूर्ति बनी दी रवै।

<><><><><><>

India Newzealand

भारत ते न्यूजीलैंड बश्कार मुक्त बपार समझौता वार्ता दा पैहला दौर कल नमीं दिल्ली च कामयाबी कन्नै संपन्न होई गेआ। बपार ते उद्योग मंत्रालय नै आखेआ ऐ जे पैहले दौर दी गल्लबात, दौनें मुखें बश्कार वर्चुअल माध्यम कन्नै गल्लबात दे मगरा होई। मंत्रालय नै आखेआ जे चीजें-बस्तें ते सेवाएं सरबन्धी बपार, बपार सुविधा ते आर्थिक सैहयोग दे दपक्खी लाहकारी खेत्तरें सने समझौते दे सभ्मनें खेत्तरें च रचनात्मक गल्लबात होई। दौनें मुखें भविक्ख लेई तैयार ढांचे दी दिशा च कम्म करने ते इस ब'रे समझौते गी पूरा करने लेई सांझा नजरिया ते आपसी समझ दी तसदीक कीती। वार्ता दा अगला दौर इस ब'रे जुलाई च होग। हाल दे ब'रें च दौनें मुखें बश्कार दपक्खी बपार सरबन्धें च तेजी कन्नै बाददा होआ ऐ ते ब'रे 2024-25 च कुल बपार इक्क अरब 30 करोड़ डॉलरें तगर पुज्जी गेआ ऐ। एह पिछले माली ब'रे दे मुकाबले च 48 फीसद शा मते दा बाददा ऐ।

समझौते कन्नै बपार ते निवेश दि'आं संभावनां बध्दन्न, आपूर्ति श्रृंखला च सुधार होग ते दौनें पक्खें दे कारोबारें लेई परिवर्तनकारी बापारिक वातावरण गी बी प्रोत्साहन मिलोग।

<><><><><><>

Food Reserve

कृषि ते करसान कल्याण मंत्री शिवराज सिंह चौहान होरें आखेआ ऐ जे देशै च अन्न—दाने दा सुददा भंडार उपलब्ध ऐ। श्री चौहान होरें नागरिकें गी कुसै बी आपात स्थिति च शांत रौहने दी गुजारिश कीती ऐ। उ'नें आखेआ जे अन्न—दाने दा रिकॉर्ड उत्पादन होआ ऐ ते राई जाने आहली फसलें लेई बी हालात अनुकूल न। नमीं दिल्ली च कल कृषि मंत्री होरें आखेआ जे सरकार जम्मू—कश्मीर ते पंजाब कन्नै चर्चा करियै स्थिति दे मताबक बीएं ते होर दुई समग्री दी बवस्था जकीनी बनाग।

<><><><><><>

World Bank

विश्व बैंक दे अध्यक्ष अजय बांगा होरें सिंधु जल संधि गी निलंबित कीते जाने कन्नै सरबंघत समस्या दा हल कड्डने च बैंक दी भूमिका दिएं खबरें गी खारिज करी दित्ता ऐ। उ'नें आखेआ जे बैंक छड़ा इक मध्यस्थ दे रूपै च कम्म करदा ऐ। श्री बांगा होरें इब्बी आखेआ जे मीडिया च इस बारे च बड़े क्यास लाए जा करदे न जे विश्व बैंक आ समस्या दा कि'आं हल कड्डोग। उ'नें आखेआ जे एह सब्बै खबरां बेबुनियाद न। श्री बांगा होरें आखेआ जे विश्व बैंक दी इक मध्यस्थ दे अलावा होर कोई भूमिका नेई ऐ।

<><><><><><>

Wing Commander

विंग कमांडर व्योमिका सिंह होरें दस्सेआ ऐ जे पाकिस्तानी हमले दे परते च चार भारतीय सशस्त्र ड्रोन पाकिस्तान दे वायु सेना ठकाने पर दागे गे, इंदे च इक नै पाकिस्तानी एयर डिफेंस रडार गी तबाह करी दित्ता ऐ। उनें दस्सेआ जे पाकिस्तान आस्सेआ नियंत्रण रेखा पारा गालीबारी ते ड्रोन हमले कीते न जिंदे करी किश थाहरें नुकसान होने दी खबर ऐ। उनें दस्सेआ जे पाकिस्तान नै 7 मई गी हमला युद्ध करने मगरा थमां नागरिक ब्हाई क्षेत्र बंद नेई कीते ऐन ते अपने नागरिकें गी ढाल दे तौरा पर इस्तेमाल करा'रदा ऐ।

विदेश सचिव विक्रम मिसरी होरें पाकिस्तान आस्सेआ भारत दे धार्मिक थाहरें, जिंदे च गुरुद्वारा ते मंदर शामिल न, उनेंगी नशाना बनाया ऐ जेहड़ा ओह्दी नीचता दा प्रमाणा ऐ। इक सुआल दे परते च उनें दस्सेआ जे मूजदा हालात च करतारपुर साहब गुरुद्वारा बंद कीता गेआ ऐ।

<><><><><><>